

瘍

醫

大

全

瘍醫大全目錄

卷二十一

內癰部

內癰門主論

心癰門主論

附方

肝癰門主論

附方

脾疽門主論

肺癰肺痿門主論

附方

腎癰門主論

胃癰門主論

大腸癰門主論

小腸癰門主論

附方

三焦疽門主論

痞積癥瘕門主論

附方

瘍醫大全卷二十一

蕪湖顧世澄練江氏纂輯

涪錢之栢惠陽

男 樞燮用和

全校

內癰部

自五臟六腑內癰內疽癰疽瘰癧止皆彙於此部中
以便閱檢叅治

內癰門主論

凡人胸腹有十一募募者各臟腑陰會之所也靈樞
云發內癰內疽者其本經募上肉必浮腫募中必
時時隱痛浮腫爲癰隱痛爲疽此卽內癰內疽之
驗也但內癰有治法而內疽無治法何也蓋內癰
內疽其病原無殊惟在根淺根深之別耳根淺者
爲癰根深者爲疽若臨症用藥攻補得宜無不收
效至募有十一而內癰僅九證者何也蓋膻府形
如膜皮無出無納汁清氣潔不生內癰內疽若夫

膀胱亦如膜皮中惟濁水故古今書籍並無講及
內癰內疽者是以未敢詳載雖然中極穴卽膀胱
募也今人間有中極穴或浮腫或隱痛者所見證
候竟同小腸癰相似則治法亦當按小腸癰治之
可也俟後之學者留意焉

驗內癰法 凡遇生內癰疑似者但與生黃豆五粒
令病人嚼之口中無荳腥味者是其候也

書云凡內癰俱係膜內成患外皮不腐

齊氏曰臟腑腸胃內癰內疽其疾隱而深藏目旣不

見手不能近所至難矣但以診脉辨之亦可知也
若其脉洪數者膿已成也設脉遲緊雖膿未就已
有瘀血也宜急治之不爾則邪氣內攻腐爛腸胃
不可救也

心癰門主論

經曰巨闕隱隱痛者心疽其上肉微起者心癰

巨闕穴在

鳩尾下一寸
心之募也

王肯堂曰心癰始發巨闕穴必隱痛微腫令人寒熱
身痛頭面色赤口渴隨飲隨乾由心火熾盛更兼
酷飲嗜熱而成宜服涼血飲如酒毒爲病宜升麻
葛根湯治之但此證甚屬罕有而治法不可不脩

心癰門主方

涼血飲

生地

麥門冬

連翹

天花粉

木通

赤芍

荊芥

車前子

瞿麥

白芷

甘草

薄荷

山梔

各等分

燈心爲引

潮熱加

淡竹葉

升麻葛根湯

升麻

柴胡

黃芩

白芍

葛根

木通

山梔

黃連

甘草

水煎服

肝癰門主論

經曰期門隱隱痛者肝疽其上肉微起者肝癰

期門穴又

名肝募在乳傍一寸半再直上一寸半

素問曰肝癰兩脇滿卧則驚不得小便

華蓋君曰肝癰不可用針刺須用內消內散

秘錄

陳遠公曰人素多惱怒容易動氣一旦兩脇脹滿發

寒發熱已而脇疼之至按之疼不可忍人以爲肝

火盛也誰知肝葉生瘡乎人但知肺生癰不知肝

亦能生癰也且靈素諸書亦未詳言得毋創論以

驚俗乎余聞異人云筋疼手不可按者肝葉生癰也靈素未詳者以肝癰世不常有所以畧之也凡古今之氣運不同癰毒之生長不一肝能生癰烏可缺而不論乎况肝之生癰未嘗無理也肝一惱怒則葉開張肝氣即逆大怒之後肝葉空脹未易平復設使時加惱怒是肝葉竟不得安且怒後必然動火怒益多而火益盛盛必燥乾肝血血乾則肝氣大燥無血養肝更易發怒欲不鬱結成癰烏可得乎然癰生於內何從而見然外可辨也肝癰

生在左而不在右左脇之皮必見紅紫之色而舌
必見青色也此而辨之斷斷無差治必以平肝爲
主佐以瀉火去毒萬不可因循令其潰爛而不可
救也化肝消毒湯白芍當歸各三兩金銀花五兩
黑山梔五錢生甘草三錢水煎三劑疼止又減半
服數服全愈

永鑑

此方以歸芍入肝以滋肝血則肝血驟生易平肝
血之燥又得甘草緩急梔子清火銀花解毒安得
不效哉惟是火毒大盛肝血大虧不如此大劑亦
自徒然倘執以肝火之旺非肝癰之症只用當芍
治脇痛必不效也

又曰有左脇大痛按之尤甚此肝癰耳非脇痛也肝
癰多得之惱怒前條已論之矣然而憂鬱亦能生
癰也惟惱怒得者其痛驟憂鬱得者其痛緩初痛
之時逍遙散大劑煎飲痛立止矣何至成癰也因
失於速治而肝中鬱氣苦不能宣而血因之結矣
血結不通遂化膿而成癰其勢似緩然肝性最急
癰成而毒發甚驟也有脇疼數日而死者正因生
癰毒敗而死非脇痛能死也可不急爲治之乎宣
鬱化毒湯柴胡薄荷香附各二錢白芍當歸金銀

花各一兩生甘草天花粉各三錢陳皮枳殼各一錢水煎服四劑全愈重則六劑後用四物湯大劑調治不再發也此症世不常有前論已悉然肝癰少見而脇痛世所常有余特發明憂鬱之能成癰又如此人知急治何至成癰哉

朱丹溪曰肝癰始發期門穴必隱痛微腫令人兩腳脹滿脇痛側卧則驚便溺艱難由憤鬱氣逆而成初服復元通氣散次服柴胡清肝湯痛脹已止宜六味地黃丸脾虛食少佐以八珍湯滋腎補脾治

肝癰門主方

救肝敗毒至聖丹

岐天師

治肝癰

當歸

白芍

各三兩

黑山梔

生甘草

各三錢

金銀花

十兩水十碗煎汁四碗聽用

以金銀花汁二碗加水二碗全煎服搯又加水

二碗全前存金銀花汁二碗煎一碗服二劑愈

脾疽門主論

經曰章門隱隱痛者脾疽其上肉微起者脾癰

章門穴又

名脾募在臍傍開六寸高上二寸

王肯堂曰脾癰始發章門穴必隱痛微腫由過飧生冷兼濕熱或瘀血鬱滯脾經而成令人腹脹咽噎乾燥小水短澁宜大黃湯赤豆以仁湯二方合而用之腹脹全消宜六君子扶脾調理

肺癰肺痿門主論

經曰中府隱隱痛者肺疽其上肉微起者肺癰中府穴在

雲門下一寸乳上三肘間動脈應指

素問曰肝滿腎滿肺滿皆實即為腫王注云滿謂脈氣滿實腫謂癰

腫肺之癰喘而兩肱滿

內經曰血熱則肉敗營衛不行必將為膿大凡肺瘡當咳嗽短氣胸滿時唾膿血久久如粳米粥者難治若嘔膿而不止者亦不可治其嘔膿而自止者將自愈其脈短而濇者自痊浮洪而大者難治其

面色當白而反面赤者此火之尅金皆不可治

全書

千金曰欬唾膿血其脉數實者爲肺癰若口中欬即
胃中隱痛肺反滑數此肺癰也

張仲景曰肺癰吐膿如米粥咽燥振寒

又曰上氣面浮腫肩息其脉浮大不治又加利尤甚
問曰病者欬逆何以知其肺癰當以膿血吐之則死
其脉何如曰寸脉微而數微爲風數爲熱微則汗
出數則惡寒風中於衛呼氣不入熱逼於榮吸氣
不出風傷皮毛熱傷血脉風舍於衛其人則欬口

乾喘滿咽燥不渴多吐濁沫時時振寒熱之所過
血爲凝滯蓄結癰膿吐如米粥始萌可救膿成則
死

問曰振寒發熱寸脉滑數其人飲食起居如故此爲
癰腫醫反不知以傷寒治之不應何以知有膿膿
之所在何以別知其處師曰假令膿在胸中者爲
肺癰其脉數欬吐有膿血設膿未成其脉自數緊
但數爲膿已成矣

金匱方論曰熱在上焦者因欬爲肺痿肺癰之病何

從得之或從汗出或從嘔吐或從消渴小便利數
或從便難又被快藥下利重亡津液故寸口脉數
其人欬口中反有濁唾涎沫者爲肺痿之病若口
中辟辟燥欬即胸中隱隱痛脉反滑數此爲肺癰
欬唾膿血脉數虛者爲肺痿數實者爲肺癰

王肯堂曰治吐膿血如肺癰狀口臭他方不應者宜

消風散

荆芥川芎羌活人參茯苓防風霍香歸入
碗各二錢厚朴陳皮各五錢爲末是也

另子髮灰研細入和之清米飲下可除根只兩服

亦治吐血 準繩

又曰肺癰已破入風者不治

精要曰勞傷血氣腠理虛而風邪乘之內盛於肺也則汗出惡風咳嗽短氣鼻塞項強胃脇脹滿久久不瘥已成肺痿也

又曰起肺癰者由食啖辛熱炙燂或酣飲熱酒燥熱傷肺所致治之宜早

王氏曰患肺疽者項強蓋肺系在項肺傷則系傷故牽引不能轉側肺者氣之本其華在毛其充在皮故皮膚不澤

張景岳曰此證初起邪結在肺者惟桔梗杏仁煎爲

治此之第一方 全書

齊德之曰肺者五臟之華蓋也處於胸中主於氣候
於皮毛勞傷血氣腠理虛而風邪乘之內感於肺
也故汗出惡風咳嗽短氣鼻塞項強胸脇脹滿久
久不瘥已成肺痿也

又曰肺痿之候久嗽不已汗出過度重亡津液便如
爛瓜下如豕膏小便數而不渴渴者自愈欲飲者
將瘥此由肺多唾涎而無膿者肺痿也

又曰肺瘡之候口乾喘滿咽燥而渴甚則四肢微腫
欬唾膿血或腥臭濁沫胸中隱隱微痛者肺疽也
始萌則可救膿成則多死

馬益卿曰肺癰治法要畧先以小青龍湯一貼以解
其風寒邪氣然後以葶藶大棗瀉肺湯桔梗湯葶
藶湯見金匱要畧隨證用之以取膿此治腫瘍之例也

終以內補黃芪湯以補裏之陰氣此治潰瘍之例
也

薛立齋曰凡勞傷血氣腠理不密外邪所乘內感於

肺或入房過度腎水虧損虛火上炎或醇酒炙搏
辛辣厚味薰蒸於肺或欬唾痰涎汗下過度重亡
津液皆能致之

又曰大抵勞傷血氣則腠理不密風邪乘肺風熱相
搏蘊結不散必致欬嗽若誤用汗下過度則津液
重亡遂成斯證

又曰此證皆由脾土虧損不能生肺金肺金不能生
腎水故始成則可救膿成則多死苟能補脾肺滋
腎水庶有生者若專攻其瘡則脾胃益虛鮮有不

誤者矣

陳遠公曰人有胸膈間作痛咳嗽時更加痛手按之
更增氣急人以爲肺欬也誰知肺熱生癰乎夫肺
爲嬌臟藥食所不到者故治之甚難治法似宜瀉
火以救肺藥旣不入肺而肺爲脾子脾經未嘗不
愛藥也補脾土則土能生金平肝木則金不尅木
清心火則火不刑金三經有益於肺無損於金則
肺氣得養後以消毒之品解肺之邪何癰不散乎
全肺湯元參三兩金銀花五兩麥冬二兩生甘草

五錢花粉茯苓白芍各三錢水煎服二劑痛減內消矣 米鑑

按癰疽症必須內消不可令其出毒內消之法總不外心肝脾三經而別無消癰之道也或曰肺之子腎也獨不可治腎以消乎然肺癰雖或於火燦肺金之液實因肺氣之自虛也補腎雖或能使肺不來生腎但肺腎相通補腎之水恐肺氣下降而火毒反不肯遽散不若止治三經使肺氣得養自化其毒不遺於腎爲妙也

又曰人有胸膈作痛咳嗽不止吐痰便覺疼甚按之痛不可忍喉間聞腥臭之氣隨吐膿血此肺癰不但已成而且已破矣未破者易消已破者難治以

膿血未能遽盡耳然得法亦無難也夫肺之生癰者因肺火不散也然肺火之來因肺氣之虛也肺虛而後火留於肺火盛而肺結爲癰不補虛以散火而未成形者何以消已成形者何以散旣潰爛者又何以愈哉是虛宜補矣然補何臟乎若補肺虛而肺不能直補只補胃氣則肺氣自旺也今癰已破多吐膿血則肺氣尤虛雖毒氣尚存不可純瀉其毒於補氣之中而行攻散之法則毒易化而正氣無傷也完肺飲人參一兩元參金銀花各二

兩蒲公英五錢花粉桔梗生甘草各三錢黃芩二錢水煎一服膿必多二劑漸少又三劑疼止膿血亦止六劑全愈

此方補胃氣開胃中之火旺胃氣而肺氣自不能衰瀉胃火而肺火自不能旺所以敗毒生肉也雖諸藥亦能入肺不單入胃然入胃者十之八入肺者十之二仍是治胃益肺之藥也或問肺癰已破病已入裏似不宜升提肺氣南昌喻嘉言謂宜引之入腸而先生仍用桔梗開提肺氣恐不可以爲訓嗟乎余所用藥無非治胃之藥藥入於胃有不下引入腸者乎然肺氣困頓肅清之令不行用桔梗以清肺上氣通而下行更速然則上之開提正下行之迅速也

又曰人有久嗽後肺受損傷皮膚黃瘦咽喉雌啞自

汗盜汗不得卧吐稠痰腥臭毛悴色焦嗽時必忍
氣須臾輕輕吐痰始覺膈上不疼否則大痛氣息
奄奄人以爲肺癰也誰知肺痿生瘡乎本不可救
然治之得法亦有生者夫肺癰與肺痿不同肺癰
生於火毒治之宜速肺痿成於勞傷治之宜緩火
毒宜補中用瀉勞傷宜補中帶清清與瀉不同而
補則同也瀉中用補可用大劑清中用補只宜小
劑勿伐勿助若有若無始奏功也養肺去痿湯金
銀花麥冬各三錢生地百合各二錢紫菀百部各

五分生甘草五錢欬冬花貝母白薇各三分天冬
一錢水煎服十劑膈疼少減便有生機矣又十劑
更輕又十劑漸愈共六十劑始全愈也

此方不寒不熱養肺氣於將危保肺葉於將痿實
有奇功若圖效捷於一旦必至輕喪於須臾寧忍
耐以全生勿欲速而送死

又曰有膏梁子弟多食燔熬厚味美醴香醪以至舌
乾喉燥吐痰吐血喘急膈疼不得安臥人以爲肺
經火熾誰知肺癰已成乎夫肺爲五臟華蓋喜清
氣暢達惡燥氣炎蒸今所食無非辛熱則五臟之

中一團火氣火性炎上而肺獨受其害不能下生
腎水腎水無源則益加燥勢必取資於肺肺金又
病不益虛其虛而燥其燥乎况各經紛紛來逼火
烈金刑肺間生癰必至之勢也治法化毒之中益
以養肺降火之內濟之補腎庶已成者可痊未成
者可散也扶桑清肺丹桑葉五錢紫菀二錢貝母
生甘草百合阿膠人參各三錢犀角屑五分欬冬
花一錢杏仁七粒金銀花熟地各一兩水煎調犀
末服數劑可收功也

此方肺腎同治全不降火蓋五臟之火因飲食而旺乃虛火也故補水而金氣堅虛火息况補中帶散則非呆補火毒又易解也

朱丹溪曰癰疽發於內者肺癰肝癰腎癰腸癰囊內癰附骨癰惟肺癰須先解表今特表而出之

陳寶功曰夫肺癰者金受火刑之症也蓋肺爲五臟華蓋其位至高其氣至清內主乎氣中主聲音外司皮毛故肺金獨旺於秋者應其輕清之候也倘有所尅其病自生先因感受風寒未經發越停留肺中初則其候毛聳惡風咳嗽聲重胸膈隱痛項

強不能轉側者是其重候也久則鼻流清涕咳吐
膿痰黃色腥穢甚則胸膈脹滿呼吸不利飲食減
少脉洪自汗法當清金甘桔湯主之麥冬清肺飲
調之亦有七情饑飽勞役損傷脾肺者亦有勞力
內傷迎風喊叫外寒侵入未經解散致生肺癰者
脉必浮而微數胸熱氣逆寒熱往來咳嗽痰生通
用金鯉湯蠟礬丸太乙膏相間服之亦效 正宗
又曰如手掌皮麗六脉洪數氣急額紅汚膿白血嘔
噦澁水鼻塌不殮飲食者俱爲不治

又曰如身涼脉細膿血交流痰色鮮明飲食知味膿血漸止者無妨反此則死

又曰如久嗽勞傷咳吐痰血寒熱往來形體消削咯吐瘀膿聲啞咽痛其候傳爲肺痿百死一生之候治宜知母茯苓湯主之人參五味湯調之

岐伯曰凡人有病氣喘嘔咳者乃肺病也肺乃金臟又嬌臟也居於心之上瓣如蓮花色紅蒂紫咽管之下卽是肺經司氣之出入不容食物咽之上有胃厭卽小舌頭也胃厭遮住咽門飲食之類始能

直入食管而下通於胃倘人飲食之時多言胃厭
不及遮蔽咽門設有米食之類入於氣管則必咳
不已可見氣管不容一物可知藥亦不能直入也
治肺之法正治甚難轉治以脾脾氣有養則土自
生金喘咳自已故五臟之中除肺一經之外俱可
正治獨肺經不可正治然則肺經生癰瘍何以治
之耶清金消毒湯主之

秘錄

又曰蓋癰生胸腹之內無不生於火與邪若外用末
藥調敷則相隔甚遙必須內消爲得然癰勢甚大

甚急一杯水何能救車薪之火故必大劑救肺消
毒至聖丹煎飲而火邪自散而癰瘍自消倘日以
敷藥調治於皮膚之外或以小劑而求散於湯餌
之中吾見其必死而已矣

張仲景曰瘡瘍之疾發於火邪之盛其由來非一日
矣欲消其火邪豈是尋常細小之藥所能去乎故
必多用重藥以劫治之然而散邪之藥俱耗真陰
多用重用皆能取敗惟金銀花敗毒而又不傷氣
去火而又能補陰故必須此品爲君第此品性純

而正乃正人君子也譬如正人君子必同郡攻擊
於羣小之中始不致僨事而召禍所以多至十兩
或一觔始可取勝於眉睫然徒藉此一味又覺勢
單力薄當以他藥相助成功各有妙理非泛然而
用之者也或加麥冬以滋肺或加歸芍以潤肝或
加地榆以涼大腸或加甘草以瀉火或加梔子以
清熱或加薏苡仁以去濕惟在用者審之

馮魯瞻曰肺癰者勞傷氣血內有積熱外受風寒胃
中滿急隱隱作痛咽乾口燥時出濁唾腥臭若吐

膿如米粥者死脉滑數或實大凡患者右脇按之
必痛須用肺癰神湯未成即消已成即潰已潰即
愈屢用屢驗者也

錦囊

又曰夫人一身之氣全關於肺肺清則氣行肺濁則
氣壅肺熱則津不行而肌肉甲錯

甲錯者肌不滑澤也

多生

肺癰癰者壅也肺氣鬱熱久壅而成也蓋咳久傷

肺元氣漸虛其人有寒熱往來自汗濺濺口中有
濁唾涎沫或咳嗽唾中有紅線膿血或多唾涎沫
而無膿寸口脉數而虛濇或虛洪者名曰肺痿熱

在上焦故也如口中辟辟燥咳即胸中隱隱痛咽
燥喘渴四肢微腫先吐血而後吐膿胸中甲錯或
偏熱烙手喜偏側於右睡而不能左臥左卧則喘
急不安其痰似膿血腥臭以水驗之則沉而不浮
其脉數而有力者名曰肺癰因勞傷血氣腠理開
而受邪寒搏於血蘊結成癰積熱不散敗血爲膿
咳傷肺葉而成按其右脇必痛者是也若已破入
風者不治吐膿如米粥者難治然痿爲正氣虛癰
爲邪氣實其肺痿治法在乎養血養氣養神清金

而治肺癰在於補養氣血而兼排膿也然肺痿亦有寒者必頭眩吐涎沫而不咳不渴而遺尿此爲肺中冷而心中有濕液也古人用炙甘草乾姜治之以補虛勞也

又曰古一婦人二十餘歲胸膈間一竅口中所咳膿血與竅相應而出以人參歸芪補氣血之劑加退熱排膿等藥而愈

婁全善曰肺痿屬熱如欬久肺傷聲啞聲嘶咯血此屬陰虛火熱甚是本論治肺痿吐涎沫而不欬者

其人不渴必遺尿小便數以上虛不能制下故也
此爲肺中冷必眩多涎唾用炙甘草乾薑此屬寒
也肺痿吐涎多心中溫液者用炙甘草湯以補虛
勞也亦與補陰虛火熱不同是皆宜分治之故肺
痿又有寒熱之異也

周文采曰其候應乳上下隱隱而痛者肺疽也若肉
微起者肺癰也初起俱可救若日久唾膿臭敗者
不可治也但診其脉微緊而數者未有膿也若緊
甚而數者已有膿也若膿如粳米粥及嘔膿不止

其脉浮大而面色赤者俱爲難治若膿自止其脉短而濇面色黃白者皆可治何以言之蓋脉浮大面赤此心火尅肺金也故難治若脉短濇及面白者此肺氣未損也故可治治法當補肺瀉火止嗽定喘爲主

集驗

聖惠曰中府

穴名在雲門下一寸六分乳肋間動脉應手陷中者是也

隱隱而微

痛者肺疽也上肉微起者肺癰也是以候始萌則可救膿成則多死若欲知有膿者但診其脉若微緊而數者未有膿也緊甚而數者已有膿也

申斗垣曰其症現於秋冬可救者何也肺旺於秋是也冬寒水旺子能救母母子相生故云可救爲順是春夏木旺火勝之時肺金病再遇火旺之時燥石流金金受火尅此爲逆故難治也

啓玄

李東垣曰夫肺者五臟之華蓋處於胃中主於氣候於皮毛勞傷血氣腠理虛而風邪乘之內感於肺也則汗出惡風咳嗽短氣鼻塞項強胃脇脹滿久久不瘥已成肺痿也肺痿之候久嗽不已汗出過度重亡津液便如爛瓜下如豕脂小便數而不渴

渴者自愈欲飲者欲達此由肺多唾涎沫而無膿
者肺痿也風中於衛呼氣不入熱至於榮則吸而
不出所以風傷皮毛熱傷血脈風熱相搏氣血稽
留蘊結於肺變爲肺疽診其脈候寸口脈數而虛
者肺痿也數而實者肺疽也其肺瘡之候口乾喘
滿咽燥而渴甚則四肢微腫咳嗽膿血或腥臭濁
沫胸中隱隱微痛者肺疽也

龔居中曰經曰肺傷善痿痿則火鬱邪壅致金燥烈
肺氣虛不能升降以克百脈癰則金體受傷肺葉

焦枯息亦不利則火邪無以泄鬱遏薰蒸致咯咳
嗽血血滲妄行必中府雲門隱痛咳則喉腥脉洪
數而虛久則腐化而出遂成肺癰不治之症若膿
血自止脉來短濇者不治自愈以肺經本部之脉
在也

馮魯瞻曰咳而膺乳痛卽看痰色如何若濃濁如膿
或黃或赤口中臭卽從肺痿肺癰治以脉數而虛
者爲肺痿脉數而實者爲肺癰

又曰肺痿咳吐咽燥欲飲水者自愈張口短氣者

肺癰門主方

金鯉湯 正宗

肺癰已成未成胸中隱痛咯吐膿血者

金色活鯉魚

一尾約肆兩重川貝母 一錢
去心

先將活鯉魚連鱗剖去肚腸勿經水氣以貝母

末摻在魚肚內線裝之用上白童子小便半大

碗將魚浸童便內重湯頓煮魚眼突出爲度少

頃取起去鱗骨取淨魚肉浸入童便內頓熱魚

與童便作二三次一日食盡其功效甚捷

排膿散

肺癰口吐膿血之後宜服此藥排膿穢補肺氣
人參 黃芪 白芷 五味子等分
右研細末每服三錢食後蜜湯調服

又方

金銀花

八兩

當歸

麥門冬

各二兩

白芍

山

梔

各三錢

生甘草

玄

參

各一兩

水入碗煎一碗服揷用水四碗煎半碗服

又方

蒲公英

當歸

生甘草

各一兩

金銀花

二兩

乳香

去油研細黃芩

各一錢

水五碗煎一碗入乳香末和服

清金消毒湯 秘錄

金銀花

入兩當歸

二兩

玄參

麥門冬

生甘草

各一兩

水煎服

岐天師曰此方數品中惟麥冬乃清肺火之品
餘俱入脾入肝入心之藥而用之者何也蓋入
肝則平木而不必肺金用力而制之則肺金得
養矣入心經則心火不凌肺金而肺金又得養

矣入脾則脾土能生肺金而肺金又得養矣雖
 乃治心治脾治肝之藥似乎隔一隔二隔三治
 法其實乃正治肺金也
 雷公曰我意方中加白芍三錢平肝火使心火
 弱不來尅肺也
 孫真君曰隔一隔二隔三之治其實原正治肺
 經此種議論大開聾瞶凡肺病皆宜如此治之
 勿謂天師專治肺癰立論而不通於凡治肺病
 也

救肺敗毒至聖丹 岐天師

金銀花 十兩 玄參 麥門冬 各三兩 生甘草 五錢

水十碗煎四碗服

肺癰神湯 錦囊

薏苡仁 五錢 黃芪 蜜炙 白芨 金銀花

桔梗 各一錢 川貝母 一錢 甜葶藶 入分 陳皮

甘草節 各一錢

薑水煎食後徐徐服 新起 加防風一錢 潰後 加

參一錢 久不歛 加合歡皮一名夜

肺癰久不歛口者 馮氏錦囊

合歡樹皮白蘇煎服最佳

桔梗湯

治咳膿腥血肺癰

桔梗炒

貝母

知母

桑白皮炙

枳殼

黃芪炙

當歸

防已

地骨皮

各一錢

甜葶藶

炒

瓜蒌仁

杏仁

杵

薏苡仁

各五分

百合

炒

五味子

炒

各一錢五分

作三劑水煎服

歷驗方

陳芥菜瀹服之埋地下三年者每早用數匙沖開水服或作醬油入菜喫一百二十天不可間斷

又方

陳芥菜煨灰白湯調下可許見效一半

又方

白芨研細末每服三錢入藕粉內調服不過三五兩卽愈或燉蛋糕或和粥中服之並效

又方

扁栢葉搗取自然汁半杯入麥芽糖貳兩隔水燉化清晨沖開水服之三次自愈

韋宙獨行方

治心胸錯甲爲肺癰黃昏湯主之

夜合皮

夜合樹按本草
卽烏農樹也

掌大一片水三升煮取二

升分再服

肺癰第一次服四劑

錢青掄

薏苡仁

條芩

苦絲瓜

甘草

各一錢

川貝母

赤芍

瓜蒌仁

桔梗

廣陳皮

升麻

牡丹皮

各一錢
二分

引加黑棗二箇生薑一片食後煎服如大便

不通加火麻仁

第二次服四劑

川貝母

赤芍

天花粉

甘草

瓜蒌仁

杏仁

連翹

獨活

知母

桔梗

百合

各等分

燈心

十根

白菓肉

七箇

食後煎服

第三次服四劑

川貝母

甘草

瓜蒌仁

獨活

天花粉

桔梗

麥門冬

赤芍

知母

百合

各等分

燈心

心

十根

白朮肉

七箇

照前服

以後白鯊紅蘿蔔鴨蛋終身不可食

食則後發不治大暈一年後方可喫茹齋更妙

又方

綠橘葉洗淨搗絞汁一盞服之吐出膿血卽愈

奇驗方

周鶴仙

凡人肺癰初起時欬兩胸脇卽疼者是也卽宜

速服此方神效

玄參

八兩

天門冬

四兩

桔

梗

二兩

甘草

炙一兩

水十碗煎至二碗再入

蒲公英

金銀花

各五錢

再煎至一碗飯食後服之初起者卽消日久者

卽生肉眞奇方也

又方

洋糖

二觔半

牯猪肚

一副

杉木炭

一分

肉 桂 一分 糯米 七粒

將猪肚洗淨以上項藥裝入肚內線縫好鍋煮一天乾每早割一塊水酒下暈只喫牯猪肉肚肺鯽魚餘俱戒一百二十天全愈屢效每清晨未洗面時用陳芥菜滷冲水飲一鍾洗面後再喫製猪肚

又方

用日久齧齧竹燈掛子一箇連宿油垢燒灰存性研末黃酒送下三錢卽愈極奇神效方不可輕忽

肺癰神方

何繼充家寶曾救治多人直神方也

懷生地

酒炒二錢五分

麥門冬

二錢

薏苡仁

四錢

當歸

酒浸

棗仁

炒

大貝母

蘇子

桔梗

瓜蒌仁

百合

各一錢

牡丹皮

桑白皮

蜜炙各七分

白芨

八分

炙甘草

二分

漢防已

六分

黃芪

一錢二分

白水煎

加減法

若睡不寧用棗仁睡既寧即去棗仁加北五味子七粒如

咳嗽氣促去桔梗加欬冬花一錢咳嗽作惡心加土炒白朮一錢

滋陰清化丸 何繼充

天門冬 去心 甘枸杞 麥門冬 去心

知母 酒洗 當歸 酒洗 生地 酒洗

熟地 酒煮 川貝母 去心各二兩 北五味 七錢

粉丹皮 山萸肉 玄參 各一兩

白茯苓 懷山藥 各一兩五錢

右爲末煉蜜爲丸空心白湯送下三錢

百合湯

肺癰主方

棗仁

懷生地

當歸

黃芪

漢防已

蘇子

瓜蒌仁

桑白皮

川貝母

百合

薏苡仁

牡丹皮

甘草

桔梗

白水煎

有嗽加欬冬花

肺癰神方

真麻油浸三稜白朮收藏浸二年者須服五六枚

浸三四年者只服二枚卽愈

肺癰奇方

石膏

寒水石

鵝管石

井泉石

龜背石

火煨人乳內
淬存性

川貝母

各一兩

炙甘艸

三錢

款冬花

五錢
焙

右乳極細末聽用臨臥用細芽茶漱口再將藥

稱一分裝在蘆柴管內按在喉嚨口用氣慢慢

吸進喉中仰臥片時再飲茶二三口吞下至

五更時又如此吸一服

桔梗杏仁煎

張景岳

治欬嗽吐膿痰中帶血或胸膈隱痛將成肺癰者此方爲第一 此桔梗湯之變方也

桔梗

杏仁

甘草

各一錢

金銀花

麥門冬

夏枯草

白合

阿膠

連翹

各二錢

紅藤

貝母

各三錢

枳殼

一錢五分

水二鍾煎八錢食遠服

如火盛兼湯者加天花粉二錢

皂莢丸

治肺癰多逆上氣時時唾濁但坐不眠

瘍醫大全

卷二十一

肺癰方

三

顧氏秘書

皂

莢

和土皮
弦酥炙

爲末蜜丸以棗膏和湯服三丸

喻嘉言曰火熱之毒結聚於肺表之理之溫之
清之曾不少應堅而不可攻者令服此丸庶幾
無堅不入聿成洗蕩之功不可以藥之微賤而
少之也本方加蛤粉等分爲末名皂蛤丸治婦
人風邪客於乳房而成奶癰每服二錢酒下
此藥能導其汗散其風邪汗出而病自愈矣

救肺癰垂危仙方

魚腥草

煎湯打雞蛋喫不過數次即可回生

腎癰門主論

經曰京門隱隱痛者腎疽其上肉微起者腎癰

京門穴又

名腎募在身側腰中監骨下肋間

素問曰腎癰脚下至小腹滿

大奇論云脚下當作胫下

張仲景曰小腹痛而痞堅者腎癰也小便數而似淋者腸癰也

王肯堂曰腎癰京門穴必隱痛微腫令人寒熱往來面白不渴少腹及肋下臃脹塞滿由腎虛不足之人房勞太過身形受寒邪氣自外乘之初宜五積

散加細辛寒盡痛止宜桂附地黃丸調理

胃癰門主論

經曰中脘隱隱痛者胃疽其上肉微起者胃癰

中脘穴又

名胃募在臍上四寸

又曰胃腕癰人迎脉逆而盛

素問帝曰人病胃腕癰者診當何如岐伯曰診此者

當候胃脉其脉當沉細沉細者氣逆

甲乙經沉細作沉清逆

者人迎甚盛甚盛則熱人迎者胃脉也逆而盛則

熱聚於胃中而不行故胃腕爲癰也

病能篇

聖濟錄云胃腕癰由寒氣隔陽熱聚胃口寒熱不調

故血肉腐壞以氣逆於胃故胃脉沉細以陽氣不
得上升故人迎熱盛令人寒熱如瘧身皮甲錯或
咳嗽或嘔膿唾血若脉洪數膿成也急排之脉遲
緊瘀血也急下之否則其毒內攻腐爛腸胃矣

李東垣曰臟腑腸胃內瘡內疽其疾隱而不見目既
不見手不能近所爲至難可以診其脉而辨之亦
可知矣有胃脘癰者當候胃脉人迎者胃脉也其
脉沉細者氣逆逆則甚甚則熱聚胃口而不行胃
脘而爲癰也若其脉洪數者膿已成也設脉遲緊

雖膿未就已有瘀血也宜急治之不爾則邪氣內攻腐爛腸胃不可救也 十書

百效全書云胃腕居心穴之下其生癰也外症寒熱如瘧胃濁則肺金失養或咳或嘔或唾膿血皮膚錯縱多因飲食七情火鬱彼又外感寒氣使熱濁之氣填塞胃腕胃中清氣下陷故右關脉來沉細胃中又爲寒氣所隔故人迎脉來緊盛有此二脉胃癰始成宜大射干湯如痰氣上壅甘桔湯大便秘不利太乙膏作丸服之小便赤澀腹滿不食三仁

湯膿出食少補中益氣湯

竇漢卿曰凡內癰予嘗以薏苡仁湯牡丹皮散太乙膏治之亦效若吐膿血飲食少思宜助胃壯氣爲主而佐以前法不可專治其瘡

全書

朱丹溪曰內疽者因飲食之毒七情之火相鬱而發用射干湯主之

馮魯瞻曰胃癰者胃爲水穀之海多氣多血多熱若邪熱內泊則兩熱相合故結爲癰而胃脉必沉細人迎必甚盛蓋胃脉見於右關本宜洪大而反沉

細者足見胃氣之逆也人迎者胃經穴名在結喉兩傍亦有動脉應於其間見於左寸今若人迎甚盛而右關沉細則愈見熱壅聚於胃口而不行故不能充於脉耳人見人迎脉盛誤爲傷寒禁其飲食則必死

錦囊

又曰胃脘癰者何以別之內經云人病胃脘癰者當論脉沉細沉細者氣逆逆者人迎反甚則熱聚於胃口而不行故胃脘爲癰也治法與腸癰同初以疏利之藥導其滯次用排膿消毒托裏之藥調之

此其六法也

張仲景曰胃癰初起中脘穴必隱痛微腫寒熱如瘧
身皮甲錯並無欬嗽咯吐膿血由飲食之毒七情
之火熱聚胃口而成癰也脉來沉數者清胃射干
湯下之若脉濇滯者瘀血也牡丹皮湯下之脉洪
數者膿已成也赤豆苡仁湯排之體倦氣喘作渴
小水頻數者肺氣虛也補中益氣湯加麥味補之

胃癰門主方

大射干湯

治胃癰始成

射干

升麻

白朮

赤芍藥

赤茯苓

山梔仁

水煎熟入蜜生地汁和服

甘桔湯

治胃癰痰氣上壅

甘草

桔梗

麥門冬

各一兩

水煎服

三仁湯

治胃癰小便赤澀腹滿不食

薏苡仁

棗仁

冬瓜子仁

牡丹皮

水煎服

射干湯

射干

升麻

犀角

麥門冬

元參

大黃

黃芩

各一錢

芒硝

梔子

竹葉

各五錢

水煎服

赤豆苡仁湯

赤小豆

防己

薏苡仁

甘草

各等分

水煎食遠服

大腸癰門主論

經曰天樞隱隱痛者大腸疽其上肉微起者大腸癰

天樞穴又名大腸募在臍傍開二寸

陳遠公曰人腹中疼甚手不可按右足屈而不伸人以爲腹中火盛而存食也誰知大腸生癰乎凡腹痛足不能伸者俱腸癰也而大腸癰足猶不能伸也但大腸生癰無不成於火火盛不散則鬱結成癰矣然火之有餘本水之不足水衰則火旺火無水制乃養成其毒耳治法不必治火壯水以制火

毒氣自消矣清腸飲金銀花三兩當歸二兩地榆
麥冬元參各一兩薏仁五錢生甘草三錢黃芩二
錢水煎服一劑痛少止二劑足可伸又二劑毒盡
此方活血解毒雖瀉火而實滋陰也相濟相成取
效故神耳倘不益陰以潤腸惟攻毒以降火則大
腸先損何能勝火毒凌燥哉
無怪治之不效也冰鑑

又曰大腸生癰右足不伸腹疼甚便出膿血肛門如
刀割此已潰爛也能食者生不能食者死然不能
食之中亦有非因火毒之熾而然者又不因其不
能食而棄之也凡生癰疽俱以有胃氣爲佳無胃

氣無論陰毒陽毒多不可救故陰疽症必以扶胃
氣爲第一少加敗膿祛毒則正氣無傷火毒易散
今大腸癰破而不思食則胃氣盡絕大危證也不
急補胃而惟治癰必死之道矣開胃救亡湯人參
山藥薏仁元參白朮各一兩金銀花二兩生甘草
三錢山羊血一錢研水煎調服一劑胃開二劑膿
少三劑疼止四劑全愈

此方救胃而敗膿祛毒已在其中妙在銀花治毒
仍是滋陰之品爲瘡家奪命之將軍乃至仁至勇
之帥又得參朮輔助其力則散毒猶神山羊血止
血解渴且善通氣引各藥直入癰中以解散之合

而治之調合有人撫綏有人攻彰有人安得不勝乎自然胃氣開化精微而轉輸於大腸也倘胃氣未傷服之尤效切勿疑而不用以枉人性命耳

又曰大腸生癰小腹痛甚淋瀝不已精神衰少飲食無味面色痿黃四肢無力自汗盜汗夜不得臥人以爲火盛生癰也誰知水衰不能潤腸耳夫大腸不能傳導者全賴腎水灌注今因醉飽房勞過傷精力大泄其精以致火動水涸又加生冷兼進以致氣血乖違濕動痰生腸胃痞塞運化不通氣血凝滯而成癰也然則生癰之先本腎水之不足茲

癰潰之後又復流其水是虛其虛矣若作火毒治
鮮不變爲死證必須大補腎水並補脾胃之氣則
脾胃化精生水更易枯涸之腸一旦得滂沱之潤
自然沾足重蘇不治癰而癰已化氣血足而肌肉
生也加味六味地黃湯以治之熟地二兩山藥山
黃各八錢丹皮六錢澤瀉一錢白茯苓三錢人參
麥冬各一兩黃芪五錢水煎服數劑疼止神健
按六味補腎水加參芪麥冬補脾胃之土土旺而
肺自旺肺與大腸爲表裏又爲腎之母母子相需
表裡相顧故
奏功如神也

王肯堂曰大腸癰多大便墜腫初起發熱惡風自汗
身皮甲錯按之腹內急痛

小腸癰門主論

經曰關元隱隱痛者小腸疽其上肉微起者小腸癰

關元穴又名小腸募在臍下三寸

千金曰腸癰之爲病小腹腫強按則痛便數似淋

厥論曰少陽厥逆機關不利機關不利者腰不可以行項不可以顧發腸癰不可治驚則死

玉肯堂曰千金謂妄治必殺人腸癰爲病小腹重而

強按之則痛便數似淋時時汗出復惡寒身皮甲

錯腹皮急如腫狀其脉數者小腸有膿也

準繩

陳無擇曰腸癰爲病身甲錯腹皮急按之濡如腫狀
腹無聚積身無熱脉數此爲腸內有膿久積陰冷
所成也故金匱有用附子溫之其脉遲緊者膿未
成可下之當有血洪數者膿已成不可下此以內
結熱所成也故金匱有用大黃利之

張仲景曰腸癰小腹痞堅蓋小腹痛而痞小便數而
似淋者腸癰卽肺癰肝癰之屬

巢氏曰洪數者已有膿脉若遲緊者未有膿甚者腹
脹大轉側有水聲或達臍生瘡或膿自臍出或大

傾出膿血

張景岳曰經言腸癰爲病不可驚驚則腸斷而死故患是者其坐臥轉側極宜徐緩時時少飲薄粥及八珍湯固其元氣靜養調理庶可保其有生

全書

薛立齋曰此證因七情飲食所致又曰若臍間出膿者不治

孫直人曰腸癰小腹重強按之則痛小便如淋時時汗出復惡寒身皮甲錯腹皮急加腫甚者腹脹大轉側有水聲或繞臍生瘡膿從臍出或從大便下

乃七情飲食所致脉遲緊者未有膿也大黃湯下之洪數者已有膿也薤白湯排之小腹疼痛小便不利膿壅滯也牡丹皮散主之

陳實功曰腸癰初起發熱惡寒脉芤而數皮毛錯縱腹急漸腫按之急痛大便墜重小便澁滯若淋甚者臍突腹脹轉側水聲皆由濕熱瘀血流入小腸而成癰也 正宗

又曰男子暴急奔走以致腸胃傳送不能舒利敗血濁氣壅遏而成婦人產後體虛多臥未經起坐而

成婦人坐草艱難用力太過而成婦人分娩後失
逐敗瘀以致敗血停積腸胃結滯而成饑飽勞傷
擔負重物致傷腸胃而成醉飽房勞過傷精力或
生冷並進以致氣血乖違濕動痰生多致腸胃痞
塞運化不通氣血凝滯皆能致之

又曰初起未成小腹殷殷作痛儼似奔豚小便淋瀝
者當以大黃湯下之瘀血去盡自安體虛脉細不
敢下者活血散瘀湯和利之

又曰腹濡而痛小腹急脹時時下膿者毒未解也用

牡丹皮湯治之

又曰已成腹中疼痛脹滿不食便淋刺痛者薏苡仁湯主之

又曰如膿從臍出腹脹不除飲食減少面白神疲此乃氣血兩虧宜用八珍湯加牡丹皮肉桂黃芪北五味飲而補之

又曰如積襲日久因循不識此症悞作脹病治之以致毒攻內臟腸胃受傷或致陰器攻爛腐爛黑斑色敗無膿時流污水腹連陰痛煩燥不止身熱口

乾衾幃多臭臥房難進者俱爲不治

馮魯瞻曰小腸癰作痛者其身甲錯腹皮緊按之濡如腫狀腹常痛或遶臍生瘡急宜下之

錦囊

又曰一室女時患腹痛食少面黃肌瘦幼科治以退熱消積女科治以通經行血大方以虛而議補俱不效後有識者曰脉大而尺獨數肌膚甲錯

甲錯不滑

也此小腸有癰膿已成而將潰矣亟與葵根一兩

金銀花三錢甘草節一錢皂角刺陳皮各二錢再劑而膿血大潰更以太乙膏同參芪治之一月始

安

又曰腸癰是膏粱積熱所致其候身皮甲錯腹皮急按之濡如腫狀達臍生瘡小腹按之則痛漉數似淋腹脹惡寒身熱自汗如脉沉緊而未有膿須急解毒如脉洪數已有膿須急下膿若小腹痛而小便閉者是膿壅滯也然腸癰爲病切不可驚驚則腸斷故坐臥轉側切須徐緩並飲薄粥及八珍湯以固元氣靜養調理庶可保也

李東垣曰腸癰達臍生瘡膿從瘡出者有出臍中者

惟大便下膿血者自愈也 十書

中斗垣曰腸內生癰當驗症明白不可妄治妄則殺人其病小腹重按之痛小便如淋時時汗出惡寒身皮錯腹皮急遶臍生瘡或臍出膿或大便膿血如左腫甚者左寸洪數是小腸癰右腫甚者右寸洪數是大腸癰 敬立

朱丹溪曰肌膚甲錯腹皮緊小腹痛小便似淋時時汗出或引大腹痛按之濡若腫狀腹無積聚身不發熱脉來弦數此腸中有癰久積陰冷所致宜用

溫熱之劑以溫發之故金匱有用附子溫之者

何氏曰凡腸癰男左女右脚曲不能伸者是若誤作

陰疝與傷寒治之爲禍不小

濟生

胡公弼曰按臍下一寸三分卽腸之屈曲間大腸左盤小腸右曲其生癰也由冷毒積久腸厚而不能發越於外故生於內外視之無形重按之痛甚毒生於左則左足不能伸毒生於右則右足不能伸生毒之處肌膚微有縐紋細觀亦覺微腫此症當服牛膠酒吞太乙膏丸追膿解毒治一不善則難

救矣 青囊

寶漢卿曰膀胱有熱蓄毒不流結成此候以致臍中
堅硬結核小便疼痛日夜下利無度是也外宜用
連鬚葱十根搗爛罨臍上

又曰婦人腸癰與男子不同乃心經毒流小腸經發
在臍中堅硬如石此是惡候也宜內托

又曰腸癰若大便或臍間出膿者不治

內經曰腸癰爲病不可驚驚則腸斷而死故患是者
其坐臥轉側務宜徐緩時少飲薄粥及服八珍湯

固其元氣靜養調理庶可保全其生

全書

千金方灸法曲兩肘正肘頭銳骨灸百壯下膿血而安

脉經問曰羽林婦病何以知腸有膿師曰脉滑而數滑則爲實數則爲熱滑則爲榮數則爲衛衛數下降榮滑上升榮衛相干爲敗濁小腹痞堅小便或澁或自汗出或復惡寒膿爲已成設脉遲緊則爲瘀血血下卽安

陳遠公曰有腹疼口渴左足不伸伸則疼甚手按之

猶不可忍人以爲腸中生癰也然腸癰有大小腸之分屈右足者大腸生癰也屈左足者小腸生癰也今屈左足是小腸生癰矣但大腸癰易治小腸癰難醫以大腸可瀉小腸難瀉也然得法又何不可瀉哉蓋大腸瀉火從糟粕而出小腸瀉火從溲溺而泄也泄毒至神湯銀花三兩茯苓薏苡各一兩甘草車前子劉寄奴澤瀉各三錢肉桂一分水煎服一劑水如注二劑疼大減三劑全愈此方俱利水之味只金銀花消毒何神奇至此蓋小腸之

毒必須內消內消之藥舍金銀花無他味可代以
他味消毒皆損正氣而小腸斷不可傷故以金銀
花爲君也但此物不能入小腸今同荻苳車瀉之
類引入小腸又少加肉桂引入膀胱從溲溺而化
又恐火毒太旺各藥不能迅逐加入寄奴之速祛
甘草之緩調旣無留滯之患又無峻烈之害火毒
自從膀胱小腸出也

永鑑

又曰人有腹痛呼號却在左腹按之疼不可忍人以
爲食積在大腸也誰知小腸生癰乎凡腸癰必屈

足而今足不屈似非腸癰然癰生腸內者必屈其足在大腸內者屈右足而不伸在小腸內者屈左足而不伸若癰生腸外皆不屈足疼在左則小腸生癰疼在右則大腸生癰也至食積燥屎之痛時疼時止生癰之痛乃定而不移痛而不止也故疼在左乃小腸之外生癰也癰生二腸之內尚可破潰生於腸外不可使潰以腸外無可出之路皆死症也而小腸尤甚必早治之內化丹金銀花四兩車前子五錢白茯苓薏仁各一兩生甘草三錢水

煎服三劑疼止四劑全愈

此卽前方之變也前方利水之中行其敗毒之法此方入當歸二兩利水之中補血敗毒之法也蓋癰破利水則毒隨水出易於祛除癰未破不補血以利水則水泄而血虛難於消化同中之異不可不知總宜早治否則癰雖愈而瘀血流於腸外必有終身腹痛之病也

又曰有腹疼驟甚小便流血左足不能伸人以爲小腸癰也誰知小腸火盛乎夫小腸生癰必屈左足今足不伸明是生癰而曰火盛者何故不知生癰必有其徵未有一旦驟生而卽流血者也癰日久而生膿膿欲盡而血出豈有不潰而先出血者然

右足不伸何也蓋小腸與大腸不同小腸細而大腸寬寬者可以容邪細者難以容邪必然之理也小腸受火煎熬腸中逼迫腸不能舒而左足暫屈不若生癱者長屈而不伸也勿以足不伸卽信是癱妄行解毒然何以辨之初病之時辨其小便中有血無血耳初痛而足屈小便無血乃是生癱初痛而足屈小便有血乃是火痛不可差也治法瀉其火邪不必化毒而痛止足伸矣小柴胡湯加味以治之柴胡半夏甘草各一錢人參二錢茯苓五

錢黃芩三錢水煎服一劑足伸二劑血痛俱止

按小柴胡湯非治小腸之方也何以應效如此之捷夫小腸火盛者起於肝膽之鬱也木鬱則火生不敢犯心而犯小腸耳夫火性炎上今反下熾拂火之性矣所以小腸受之而作痛也小便流血者乃小腸之血爲火所逼血恐爲火燥乾越出小腸之外直走膀胱反使水道不行而流血也小柴胡舒肝膽之氣則火氣上炎其性既順又得茯苓清滲水氣水流而血自歸經此方之所以奇耳

腸癰門主方

救腸敗毒至聖丹

岐天師

金銀花

八兩煎汁二碗

當

歸 三兩

地

榆 一兩

薏苡仁

伍錢

水十五碗煎二碗分作二服上午一服臨睡一

服二劑愈 初起宜服

牡丹皮散

千金

牡丹皮

五錢

瓜蒌仁

去油三錢

桃

仁

去皮尖研二十粒

薏苡仁

一兩

白水煎服

按金匱要畧云牡丹皮散用冬瓜子仁非瓜
仁蓋冬瓜子仁主解毒護膜厚腸生肌之功
活腸散毒丹 華真君

治已成內必出毒用 以助其潰膿

當歸

金銀花 各二兩 生甘草 三錢

地榆

牛膝 各一兩

水煎取汁一碗調乳香沒藥末各一錢五分飲
之渣水再煎一碗又調乳香沒藥末各一錢五
分飲之大約早服頭煎晚服二煎二劑全好

芭蕉散 孫欽武

芭蕉根切片焙乾爲末將猪胰子煮爛蘸藥末食之
二三次即愈

腸内生癰 千金

瓜子三升搗碎以水三大碗煎至一大碗分三次服

小腸癰 濟生

當歸尾 白芥子 炒研末 尖檳榔 小者

瓜 萋 打碎 蘓 木 各一錢 枳 殼

紅花

各八分

薏苡仁

炒二錢

桃

仁

去皮尖打碎六分

白芍藥

一錢五分

水二鍾煎一鍾

先將黑白牽牛頭末各等分

以生蜜爲丸虛人二錢實人三錢以前湯送下

腸癰

秘方

凡小腸堅硬如掌而熱按之則痛肉色如故或

焮赤微腫小便頻數汗出憎寒脉緊實而有力

服此神效

大黃

炒

朴

硝

各一錢

桃

仁

牡丹皮

白芥子 各二錢

空心煎服

肚癰大小腸癰冬瓜癰

抄本

白芷

萊豆

大黃 各二錢

乳香

沒藥 各一錢

番木鱉 二枚

去毛

當歸尾

一錢五分

研末每服二錢酒調服以平爲度

腸癰肚癰神效奇方

木瓜

白芷

獨活

甘草節

連翹

金銀花

蒼朮

錢各一

川貝母

牛膝

生地

錢各二

當歸

五錢

好酒二碗煎一碗空心服至重者四五服必效

忌發風動氣之物煎時忌見婦人雞犬並治

一切無名腫毒一劑見效

腸癰胃癰肺癰腹癰神方

胡石臣

黃芪

酒炒

黃芩

錢各三

連翹

白芷

錢各一

穿山甲

錢炙二

露蜂房

陳醋浸數次二個

蜈

蚣

酒浸炙
二十條

右爲細末用水或米粥疊丸如菉豆大曬乾收貯
又用空大黃爲末水疊丸如菉豆大曬乾
另貯 如有前症年壯者兩宗丸藥各三錢或
酒或開水送下虛弱人前丸用三錢大黃丸或
二錢或一錢五分服之其毒氣膿血皆從大腸
而出矣亦有從口內出者

腸癰秘方

張景岳

凡腸癰生於小肚角微腫而小腹隱痛不止者是

若毒氣不散漸大內攻而潰則成大患急宜以此

藥治之

先用紅藤

一兩

以好酒二碗煎一碗午前一服醉

臥之

午後用紫花地丁

一兩

亦如前煎服服後痛必漸

止為效然後服後末藥除根

大黃

瓦龍

蟬蛻

殭蠶

各二錢

石螭虵

此草藥也

當

歸各五錢

老蜘蛛

二個捉放新瓦上以酒鍾蓋定外用炭火煨乾存性

右爲末每空心用酒調服一錢許日逐漸服自
消

三焦疽門主論

經曰丹田隱隱痛者三焦疽其上肉微起者三焦癰

王肯堂曰三焦癰石門穴

又名三焦募在臍下二寸必隱痛微腫

令人寒熱往來二便秘澁由濕熱遇寒凝結而成

治法與大小腸癰同

痞積癥瘕門主論

書云積聚大小一轍但人大氣壯無積人小氣弱積多故積論偏重啞科

夫不言痢瀉疳三者而僅言積治未病之源也更不言六聚而先言五積從其難者而言之也聚與積總因食物不化陰血凝聚源同而名異經曰積者五臟所生聚者六腑所成氣之所積名曰積氣之所聚名曰聚聚者陽氣也故陽浮而動其氣運轉不定遇滯卽止發無本根痛無常處氣旺漸消不

治自己積者陰氣也故陰凝而伏蓄積一處而不
行發有常處其痛不離其部陰屬裏治之爲難積
有常所有形之血也聚無定部無形之氣也積塊
者痰與食積死血也凡面黃浮腫腹脹虛鳴小便
如油毛髮焦黃下痢赤白目珠黃赤遍體虛腫當
腹倍熱遇食肚疼昏困多睡者皆是積候宜急治
之若至面白喘急或面黑眼直乾嘔不食瀉住又
瀉腹急如鼓項軟口噤手足俱細者並爲不治然
有五臟爲積之名癥瘕痞癖四症之別食乳氣三

積之分虛實驚諸積之異先舉五臟之積而詳之
肝之積名曰肥氣在左脇下形如覆杯有頭有足
如龜鱉狀心之積名曰伏梁起於臍上大如手臂
上至心下脾之積名曰痞氣在於胃脘覆大如盤
肺之積名曰息賁在右脇下覆如大杯腎之積名
曰奔豚發於少腹上至心下如豚奔走之狀或上
或下亦無定時此五積之候也癥者按之應手亦
如五積之不移瘕者假物成形如魚鱉石瘕之類
瘕者皮厚也在肌肉之間而可見者也癖者僻也

內結於隱僻外不可見也乳積者吐瀉兼作氣息
酸臭因乳哺失調所致也食積者腹堅熱渴或瀉
或嘔腸鳴腹痛因飲食過餐而得也氣積者腹痛
啼叫痢如蟹激因物觸忤兒或食母氣乳而得也
虛積者乳食不化一身浮腫虛中受積也實積者
壯熱糞鞭身熱而渴嗜食善饑實熱蘊積也驚積
者因驚時與食口穢而黃當腹疼痛也治之之法
寒者溫之熱者清之實者行之虛者調之驚者和
之治積惟有揆積磨積消積化積而無迅下之理

丹溪曰凡積不可用下藥徒損真氣病亦不去况積之成也正氣不足而後邪氣踞之如小人在朝由君子之衰也正氣與邪勢不兩立一勝則一負邪氣日昌正氣日削不攻去之危亡從及然攻之太急正氣轉傷初中末之三法不可不明也初者病邪初起正氣尚強邪氣尚淺則任受攻中者受病漸久邪氣較深正氣較弱任受且攻且補末者病魔經久邪氣侵凌正氣消殘則任受補蓋積之爲義匪朝伊夕所以去之亦當有漸攻之愈亟則

傷正氣正傷則不能運化而邪愈固矣更宜審明何經受病受傷何物從其因以治之

昔張子和動輒言下下之當也仲景三承氣審之詳密可下不可下急下何積何藥分毫不爽寒積巴菳感應丸熱積大黃承氣湯血積桃仁紅花下水牽牛甘遂水中之血蟲蟲水蛭蛭積檳榔雷丸今人畏而不敢下者不明之罪無忌而妄用者殺人之罪稍虛者當扶助正氣消息推蕩之慎勿孟浪戕人天年

五積當從鬱論難經所謂因受勝已之邪傳於已之所勝適當旺時拒而不受因留爲積此皆抑鬱不伸而受其邪故五積六聚治同鬱斷伏梁者心之鬱肥氣者木之鬱痞氣者土之鬱息賁者金之鬱奔豚者水之鬱鬱者氣不舒而抑鬱成積不獨聚可以氣言也故治積之法以理氣爲先則津液流行積聚何由而成然更不可不兼以補也蓋壯者氣行則已快者着而成病故積之爲積本於氣虛血弱之人故曰壯人無積虛則有之善治積者不

必問其何經何臟必先調其中氣使能飲食氣血
既旺積滯自消卽壯實而宜消者亦當以補氣補
血之藥兼服經曰大積大聚其可犯也衰其半而
已故消積及半純與甘溫調養使脾土健運則餘
積不攻自退所謂養正則邪自除猶滿座皆君子
則一二小人自無容身之地若欲積盡而後止胃
氣之存也無幾矣

積聚痞塊之證皆內爲喜怒憂思悲恐驚七情所致
若以五臟傳尅成積不亦求之太過乎蓋氣血榮

衛一身上下周流無時少息一旦七情感動五志之火火性炎上有升無降以致氣液水穀不能順序稽留爲積也必矣丹溪曰氣不能成塊成聚夫塊乃有形之物乃痰與食積死血而成凡在中爲痰飲在右爲食積在左爲血塊何以明之夫左關肝膽之位藏血液右關脾胃之位藏飲食所以左邊有積則爲血塊右邊有積則爲食積而其中間則爲水穀出入之道路五志之火薰蒸水穀而爲痰飲所以中間有積則爲痰飲也治法因所因從

其類以治之大抵積之初多屬寒而積之久則爲熱矣宜知新久之異以分辛溫辛平辛涼三者之宜然人之積塊疝氣心腹等痛本多屬熱而方中又多用桂附熱藥却又不發藥毒者蓋因諸積諸痛喜溫而惡寒熱藥與病情相和况積久成鬱而火邪深矣若見寒愈逆見熱愈喜兩熱相從是卽所謂亢則害承乃制從治法也世人見其投熱不爲熱誤遂以是寒爲屬沉寒痼冷恣投熱劑以致真氣被蝕陰血乾枯不可爲矣抑嘗論之醫爲病

所困者惟陰虛之難補久積之難除故玉山自倒
陰虛之謂也養虎遺患久積之謂也人之懼此二
者須節慾以養性內觀以養神澹泊自如從容自
得然後委之於醫方能爲爾保也

癥者是因飲食得之痛刺脇肋心胸煩悶飲食不下
吐逆惡心日久不治漸成癥結又曰食結其症屬
陰陰主靜故癥定於一處而不移

瘕者是因傷血得之其狀胸膈煩悶痛引少腹時或
攻築上搶心胸雖不阻食漸成瘕結又曰血結然

此與癥總因榮衛俱虛風寒襲於外飲食滯於中久而不化則邪併於陰而爲癥邪併於陽則爲瘕瘕者假物象形動而不息去來無常或兩脇間有塊如石按之則痛不按則輕久而不已面黃肌瘦肚鞭而脹腹現青筋晝涼夜熱食減殮泥成爲疳積治宜調脾養胃磨積消疳非一日一夕可愈也痞者是因傷氣得之其候心腹膨脹肚大脇滿痛刺往來住在左肋面黃肌瘦倦怠無力久而不治漸成痞塊痞者塞也結者實也凡熱氣蘊於胸膈之

間停飲聚於腹脇之內於是榮衛不得流行腑臟
不得宣通而乃成結也不可迅下否則邪反堅結
經所謂着而不去其病爲實矣惟宜安胃理脾佐
以順氣化滯若胸中氣不通泰而如痞者乃正氣
不運所致不可作有形攻治蓋胸爲受氣之所虛
則受而不能行實非物也故曰痞者否也

癖者是因積得之其症如腸癖之疾便利無度似痢
非痢似蟲非蟲或下鮮血肚腹乾痛心胸滿悶久
而不治則頑結不散有類痞狀蓋由乳哺失調停

滯爲積久則血膜併聚脇傍結癖時時作痛或發潮熱又有食癖乳癖疳癖驚癖虛癖痰癖之分其傷氣血一也若至面色紫黑肚脹如鼓癢心刺痛忽瀉鮮血唇舌皆黑乾嘔氣促皮焦斑紫吐瀉出蟲腸鳴自利體虛發搐面青流涎手足心腫面黑瀉黑者並皆不治

錢仲陽曰癖塊者僻於兩脇痞結者居於中脘此因乳哺失調飲食停滯邪氣相搏而成醫者多用尅伐脾胃必虛久而不愈必先以固胃氣爲主使養

正則積自除若欲直攻其結不惟不消抑亦損其

脾土脾土虧損必變症百出矣宜朝服補中益氣

湯夕服千金消癖丸間服治之獲效多矣幼科痞塊論

酒積輕者葛根神麴黃連白芷薤甚者甘遂牽牛

氣積輕者木香枳殼厚朴橘紅甚者枳實牽牛

血積輕者乾漆桃仁丹皮歸尾赤芍紅花甚者大黃蟲蟲水蛭穿山甲花蕊石

痰積輕者半夏瓜蒌甚者滾痰丸老痰海石瓦楞子皮裏膜外芥子

水積輕者五苓散甚者商陸甘遂芫花 菓積丁香肉桂麝香

茶積輕者薑黃芝蔴甚者茱萸椒薑 麵積蘿蔔子薑酒煎

穀積輕者麥芽穀芽神麴砂仁

肉積甚者雞內金

蛋積甚者山查阿魏

魚鱉積白豈菴橘紅

蟲積雄黃錫灰檳榔雷丸蕪荑

狗肉積杏仁

蟹積紫蘇

痞積瘕瘕門主方

化痞膏

生大黃 一兩

半夏

荆三稜

蘇木

穿山甲

陳皮

當歸尾

全蝎

番木鱉

紅花

陳枳殼

厚朴

蓬莪朮

血餘

大貝母

川烏

天南星

香附

赤芍藥

草烏

堅栝榔

各三錢

瘍醫大全

卷二十一

痞積方

柒

顧氏秘書

蜈蚣 十條

巴豆仁 五十粒

驚風 一個切

桃枝

楊枝

桑枝

槐枝 各十寸

葱 十根

水紅花子 五錢

白鳳仙根 五根

用藤油三觔全煎藥枯去渣再入東丹二十四兩收之成膏取起冷定篩入後藥攪勻

阿魏

蘇合油 各五錢

血竭

真沒藥 去油

肉桂

孩兒茶

潮腦

滴乳香 去油

虎骨 煨

青黛

各三錢

冰片

麝香

乾

漆

各二錢

皮

硝

一兩

瓦楞子

煅三錢

共乳極細末篩入膏內攪勻攤貼

淨府湯

治小兒一切癖塊發熱口乾等症

柴胡

山查肉

猪苓

白茯苓

澤瀉

莢木

醋炒

三稜

醋炒各一錢

黃芩

白朮

去蘆

半夏

薑汁炒

人參

各八分

胡黃連

甘草 各三分

薑棗爲引煎服

千金消癖丸

蘆會

陳皮 去白

厚朴 薑汁炒

青黛

廣木香

檳榔 各一錢

麥芽 炒

神麴

水紅花子 各四錢

史君子 去殼

胡黃連

香附 水浸

莢木 醋炒

三稜 醋炒

山查肉

白茯苓

白木 去蘆

人參 去蘆

甘草 炙一錢

右爲末將阿魏一錢水和麵打糊爲丸棗豆大
每服五十丸米飲下

尅堅膏 回春

專治小兒癖塊發熱羸瘦者

木鱉子

川烏

穿山甲

甘遂

當歸

甘草 各八錢

真香油一觔入藥熬成黑色濾去渣再慢火熬
次下黃丹八兩熬至滴水成珠離火加

礪砂 三錢

麝香 一錢

水紅花子

皮硝

礪砂

阿魏

蘆薈

各五錢

爲末入內攪勻攤貼 先用皮硝水洗皮膚方

貼癖處二三日後覺肚內作痛四五日發癢糞

後有膿血之物是其驗也

抓癖膏

李滄溪

桃

仁 四兩

白

蠟

四錢

生豬腦子

血餘

香油

桐油

右俱下鍋內文武火熬至腦子盡濾去渣下次
黃丹十四兩熬成膏待溫再下

胡黃連

白芷

紅花

蘇木

三稜

莪朮

各三錢

當歸尾

礪砂

各五錢

麝香

一分一錢五分

各爲細末入前膏內攪勻收貯勿令泄氣有塊
先用皮硝煎洗癰處次用薑擦方用絹帛攤貼
後用鞋底炙熱熨之五七十遍覺內熱方可癰
卽消縮如神

消癰驗方 懷德堂秘錄

每一歲用鰲甲

一個醋炙

全蝎

三隻去頭足新瓦上焙乾用

雄黃

二分研細末用芝蔴一撮畧炒白糖霜拌五更時送

下十歲服十服二十歲服二十服卽愈

又方 抄本

全

蝎

三個去頭足

土鰲蛭

二個去足

大桑蛭

二個

全焙乾用乾芝蔴一撮銅杓內炒燥爲末用上

好建糖調五更服酒漿送下

癰疽痞塊

無見和尚

阿魏

全 蝎各二錢

金頭蜈蚣全用一條

大黃酒炒一兩

皮 硝二兩

共研細末收貯 大人用五分小兒用三分裝

入雞蛋內飯上蒸熟火酒送下每晚喫一個七

晚喫七個不過十日半月改換顏色

化痞膏劉長隨

當歸尾

紅 花

金銀花

三 稜

白芥子

莪 朮

葫蘆巴

昆 布

生地黃

桃仁

亂頭髮

大黃

熟地黃

鱉甲

穿山甲 各一兩

海藻

兩頭尖

阿魏

草薢子

川烏

巴豆仁

黃連

天南星

漏蘆

大貝母

半夏

川草薢

大戟

胡黃連

甘遂

鳳仙子

芫花

海浮石

阿膠

葳靈仙

檳榔

直蠲蠶

全 蝎

瓜兒竭

乳 香

去油

粉甘草

金線重樓

沒 藥

去油各三錢

土木鱉

番木鱉

獨 蒜

各三十個

蜈 蚣

三十條

水紅花子

四兩

鮮商陸

八兩

活鯽魚

一個重半觔

蘇 油

三觔

黃 丹

飛晒炒一觔半

麝 香

一錢

右藥除乳沒竭麝阿魏五味另研收貯臨攤時

摻膏藥上

群藥同油熬膏悉如熬膏法修合

化痞丸

劉長隨

莪 朮

醋炒

海浮石

煨

三 稜

醋炒

瓦楞子

煨

乾 漆

大茴香

山 查

穿山甲

丁 皮

五靈脂

白 芷

陳 皮

玄胡索

廣木香

牡丹皮

青 皮

桔 梗

枳 殼

胡 椒

神 麴

蒲 黃

香 附

桃 仁

紅 花

川 芎

當 歸

厚 朴

砂仁

驚甲醋炙

朴硝各三錢

阿魏五錢

小茴香

赤芍藥

史君子淨肉

桂皮

鐵花粉各四錢

水紅花子四兩

右爲末皂莢煎湯疊九桐子大每服三十九壯
實人可加至四五十九日三服俱酒下一料可

治二人

敷羸瘦不堪之痞塊不能用尅伐藥者

硃砂

銀硃

飛丹

明雄

阿魏

各三錢

礞砂

一錢

鴿糞

炒五錢

麝香

五分

皮

硝

明淨者研細一觔

共研勻用猪尿胞一個留小口做一漏斗插口

內將藥末徐徐裝入再用火酒一觔燉熱泡入

胞內將尿胞頭摺轉紮緊預將患處用皮硝四

兩白酒一觔煎數滾洗患處再將尿胞紮上用

布裏緊三日解去又換一個大建奇功屢驗

阿魏保生膏

專治痞塊積聚凡年高之人諸病不能服藥者

但將此膏貼心口上即開胃進食功難盡述

先用直麻油二十兩浸榆桑桃柳槐枝各二十一

段熬枯再下

草薢仁

巴

豆

各一百二十粒

大楓子

淨肉

土木鱉

番木鱉

各五十個

穿山甲

炙二十片

白附子

當歸

白芷

各五錢

大黃

二兩

甘草

三錢

核桃肉

一觔

熬枯濾去渣復入淨鍋內熬至滴水成珠下飛

淨血丹八兩成膏再下

乳香 去油

沒藥 去油

兒茶

血竭

阿魏 各五錢

冰片 一錢

麝香 三錢

水紅花 熬膏四兩

攪勻老嫩得宜收貯勿泄氣每用狗皮攤貼諸

證如神

痞塊 德宗和尚治黃總兵

人參

白朮

阿魏

石斛

萊菔子 各五錢

水紅花子 一兩

胡黃連

蘆薈

柴胡

枳實

臭蕪荑

川芎各三錢

川黃連

使君子淨肉

青黛

青皮

木香

夜明沙

龍膽草

各三錢五分

罌蓼皮

炒二張

沉香

二錢五分

三稜

醋拌炒

莪朮

醋拌炒

檳榔

蒼朮

各五錢五分

陳皮

三錢五分

麥芽

五錢全巴豆肉三錢炒去巴豆不用

共為細末用健猪肚煮爛搗丸如桐子大每服

三錢米湯送下

化痞膏

徐聲士

活脚魚

五觔

莧菜

十觔

全入壘內蓋好俟脚魚莧菜化成臭水傾入淨
鍋內加麻油五觔穿山甲四兩熬枯濾清復入
淨鍋內熬至滴水成珠入陀僧細末收之老嫩
得宜收貯用紅布或緞攤貼

賽金丹

胡寧憲

巴荳霜

麝香

各五分

五靈脂

去砂土淨

廣木香

各一兩

生川烏

重五六錢的一個

母丁香

二錢

右研細末用大黑棗三十枚去皮核微曬搗膏
和藥丸如指頂大每日臨臥時松蘿茶送下一
丸服至四十日不可間斷輕者無影無形重者
仍有微影自可除根不發每次日早饑勿食油
膩午飯不忌惟麪食粘滯之物俱宜少進

痞塊
駱潛庵

大葶薺一百個古錢二十個花頭海蜇一片炒皮
硝四兩燒酒三觔共一處浸七日後每日早上喫
葶薺四個逐加至十個止卽消

大紅丸

治血塊血蟲一切大人小兒積痞

真血竭

乳

香

各一兩

辰州箭頭硃砂

五錢

巴 荳

四錢

研極細末初研散開研至自潤成塊磁盒盛之
看人大小虛實小兒蘇子大三粒大人荳子大
三粒俱溫水送下行熱水作痛倘積重多年者
先用史君子生熟各三箇上午食之下午方服
前藥前晚不可夜飯置淨桶看藥與積俱下否

如藥未出積亦未出將溫酒一杯催之

七轉霧應丹

治新舊諸積諸氣婦人血瘕小兒疳積一切心痛諸般蠱積

白蕪荑

五錢取末四錢

牽牛

牛

五兩取頭末三兩

檳榔

五兩取淨末三兩

大黃

五兩取淨末三兩

木香

五錢取淨末四錢

雷丸

四兩取淨末三兩

錫灰

一兩煨取淨末三錢

共取各淨末一處拌勻芡白一觔煮沸湯露一

宿爲丸如黍米大每服三四錢老年勿弱減半
俱用菰白湯露一宿早晨空心冷下取出病根
如欲大便須在內房不可見風日晚用溫粥補
之忌生冷硬物葷腥一月後用四君加減補助
胃氣 一方有史君子一兩鶴虱五錢

一方

治酒積面黃黑色腹脹不消

甘遂一錢爲末以豬槽頭肉一兩細切搗爛和末
作一丸紙裹火煨令香熟取出臨臥細嚼酒嚥取

出病後

消積丸

廣皮

三稜

莪朮

檳榔

青皮

枳實

蘿蔔子

麥芽

草薢

各一兩

厚朴

山查肉

各一兩五錢

神麴

二兩

廣木香

七錢

爲末黑砂糖丸重一錢空心白湯調服

消塊丸

卽千金方硝石大黃丸須度虛實用

硝石

六兩

人參

甘草

各三兩

大黃

八兩

爲末以三年米醋三升置磁器中火煎先納大黃不住手攪使微沸一刻乃下餘藥又一刻微火熬探可丸則取丸之如雞子中黃大每一丸米飲下服後當下如爛肉或米泔赤黑等色下後避風冷啖軟粥將息之

男子痞塊婦女血塊極妙藥性不猛而效速

阿

魏一兩

生

漆

濾去渣淨

木

耳

爲末各四兩

黃 蜜 六兩

錫罐一個盛藥封固放鍋內水煮三炷香取起
冷定每服二茶匙燒酒送下日進三服忌油膩
發氣物

治血塊丸

丹溪曰瓦礫子能消血塊

海 粉

醋煮

三 稜

莪 朮

醋煮

紅 花

五 靈 脂

香

附 各等分

石

礮

減半

共爲丸白朮湯吞下三十九

脇間生毒如鱉形以鮮蝦羹食之即不痛者乃真鱉
瘕

白馬尿治之最妙

喜飲香油者乃誤吞人髮入胃血裏化為蟲

雄黃五錢水調服

肥兒丸

小兒脾疳痞積黃瘦肚大口臭食泥消蟲進食

神麴炒

胡黃連

麥芽

炒各五錢

肉豆蔻

麴裏煨去油

檳

榔

去臍一箇

廣木香

一錢

史君子去殼

肉荳蔻麪裏煨去油
各二錢五分

爲末蒸餅丸黍米大米飲服

三聖膏

石

灰

十兩篩過
極細炒紅

好醋熬成膏入大黃末一兩官桂末五錢攪勻
瓦器封貯紙攤烘煖貼患處